



REPUBLIKA E SHQIPËRISË

**PROKURORIA E PËRGJITHSHME  
PROKURORI I PËRGJITHSHËM**

Nr. 1414 prot.

Tiranë më, 18.10.2022

**UDHËZIM I PËRGJITHSHËM**

Nr. 04, datë 18.10.2022

**PËR**

**DISA SHTESA NË UDHËZIMIN E PËRGJITHSHËM NR.10, DATË 30.12.2021  
“PËR USHTRIMIN E FUNKSIONIT TË MONITORIMIT NË SISTEMIN E  
PROKURORISË DHE BASHKËPUNIMIN ME INSTITUCIONET KUSHTETUESE  
DHE LIGJORE”**

Në mbështetje të neneve 148 pika 2 dhe 148/b shkronja “b” të Kushtetutës së Republikës së Shqipërisë, neneve 38 pika 1 dhe pika 2 shkronjat “b”, “dh” “f”, “g”, “gj” dhe “i”, 42 shkronja “dh”, “gj” e “k”, 46 pika 3 shkronjat “c” e “ç”, 51 pikat 1 e 4, dhe vijues të ligjit nr.97/2016 “Për organizimin dhe funksionimin e Prokurorisë në Republikën e Shqipërisë”, neneve 7 pika 6, 35 pika 2, shkronjat “a” e “b” e vijues të ligjit nr.25/2019 “Për organizimin dhe funksionimin e Policisë Gjyqësore”, nenit 194 pika 1, shkronjat “c”, “d” e pika 4 të ligjit nr.115/2016 “Për organet e qeverisjes së sistemit të drejtësisë”, nenit 119 pika 2, shkronja “c” e vijues të ligjit nr.96/2016 “Për statusin e gjyqtarëve dhe prokurorëve në Republikën e Shqipërisë” dhe të rekomandimeve të Rezolutës<sup>1</sup> së Kuvendit të Shqipërisë datë 14.07.2022, për veprimtarinë e Prokurorisë së Përgjithshme për vitin 2021 dhe rekomandimet për vitin 2022.

**UDHËZOJ:**

<sup>1</sup> Shih, pikën 4 të rekomandimeve të Rezolutës së Kuvendit të Shqipërisë “Për veprimtarinë e prokurorisë për vitin 2021” miratuar me datë 14.07.2022, parashikohet: “Për vitin 2022, Kuvendi i Shqipërisë i rekomandon institucionit të Prokurorisë së Përgjithshme: 4. Të punohet për forcimin e mekanizmave përritjen e përgjegjshmërisë dhe llogaridhënie së brendshme të oficerëve të policisë gjyqësore, për eficencën dhe efikasitetin e punës, pa cenuar procesin e rregullt ligjor gjatë ushtrimit të funksioneve të tyre ...”

Në udhëzimin e përgjithshëm nr.10, datë 30.10.2021 “Për ushtrimin e funksionit të monitorimit në sistemin e prokurorisë dhe bashkëpunimin me institucionet kushtetuese e ligjore”, bëhen ndryshimet dhe shtesat e mëposhtme:

### Neni 1

Në nenin 6, në pikat 1, 2 e 3.1, bëhen shtesat si më poshtë:

1. Në pikën 1, në shkronjat “a” e “ç”, bëhen shtesat:

i) Në shkronjat “a” pas togfjalëshit “...sipas ligjit” shtohet togfjalëshi “si dhe monitoron eficencën dhe efektivitetin e veprimitarës së tyre përritjen e përgjegjshmërisë e llogaridhënieve së brendshme në zbatim dhe të këtij udhëzimi”.

ii) Në shkronjat “ç” pas fjalës “...prokurorit...”, shtohet togfjalëshi “...ose oficerin e policisë gjyqësore...”.

2. Në pikën 2, pas shkronjës “ç” shtohet një paragraf/shkronja “ç/i” me përbajtje si me poshtë:

“ç/i) informon brenda 15 ditësh sektorin e monitorimit në Prokurorinë e Përgjithshme në rastet kur evidenton problematika dhe/ose shkelje që përbëjnë shkak përfillimin e procedurës disiplinore ndaj oficerëve të policisë gjyqësore të seksionit në prokurorinë që drejton, bazuar në analiza dhe vlerësimë të treguesve të volumit të punës së kryer prej tyre sipas të dhënavë statistikore të sistemit elektronik SVHOPGJP që parashikon neni 8/a i këtij udhëzimi.”

3. Në pikën 3.1, pas shifrës “...8...” shtohet togfjalëshi “...e 8/a pika 5...”

### Neni 2

Në nenin 8, në pikat 1 e 5, bëhen shtesat si më poshtë:

1. Në pikën 1, shkronjat “a” pas togfjalëshit “...volumin e punës...” shtohet togfjalëshi “...sipas nenit 8/a të këtij udhëzimi...”.

2. Në pikën 5, shkronjat “a” pas togfjalëshit “...punës së oficerit...” shtohet togfjalëshi “...përfshi dhe volumin e veprimeve hetimore, verifikimeve pasurore ose veprimeve përekzekutimin e vendimeve gjyqësore penale, të kryera nga oficeri/ët e policisë gjyqësore të seksionit në prokurori, sipas të dhënavës të sistemit elektronik që normon neni 8/a i këtij udhëzimi...”.

### Neni 3

Pas nenit 8, shtohet neni 8/a “Sistemi elektronik “Statistika e veprimeve hetimore të oficerëve të policisë gjyqësore të seksionit në prokurori” (SVHOPGJP)” me këtë përbajtje:

## “Neni 8/a

### Sistemi elektronik “Statistika e veprimeve hetimore të oficerëve të policisë gjyqësore të seksionit në prokurori” (SVHOPGJP)

1. Në seksionet e policisë gjyqësore të prokurorive pranë gjykatave të shkallës së parë me juridikcion të përgjithshëm, krijohet dhe vihet në funksionim sistemi elektronik (SVHOPGJP) për plotësimin/hedhjen, administrimin dhe përfthimin e statistikave periodike, me të dhëna për numrin e veprimeve hetimore apo ekzekutimin e vendimeve gjyqësore penale në kuadrin e procedimit penal ose për numrin e veprimeve verifikuese pasurore në kuadrin e procedimit pasuror, të kryera nga oficerët e policisë gjyqësore të seksionit në prokuroritë përkatëse.

2. Secili oficer i policisë gjyqësore në seksionin e prokurorisë përkatëse, për numrin e veprimeve hetimore<sup>2</sup> të dokumentuara që kryen me iniciativë ose të urdhëruara/deleguara nga prokurori<sup>3</sup> sipas ligjit, ashtu dhe për verifikimet pasurore<sup>4</sup> ose veprimet<sup>5</sup> për ekzekutimin e vendimeve penale, si për referimet penale dhe për procedimet penale në ndjekje sipas fazave<sup>6</sup>, ashtu dhe për procedimet/hetimet pasurore ose për ekzekutimin e vendimeve penale, hedh/plotëson periodikisht çdo 15 ditë, të dhëna në fushën e rubrikës përkatëse të sistemit elektronik (SVHOPGJP), për numrin e veprimeve hetimore apo verifikuese pasurore ose veprimeve për ekzekutimin e vendimeve penale, të kryera për secilin referim/ankim, procedim penal apo procedim pasuror ose vendim gjyqësore penale i urdhëruar për ekzekutim në ndjekje apo të përfunduar, sipas udhëzimeve teknike në Manualin e Përdorimit të tij<sup>7</sup>, bashkëlidhur këtij udhëzimi si pjesë e tij.

3. Në formatin standard të këtij sistemi elektronik shënohen të dhëna sipas rubrikave:

a) në rubrikën “Numër procedimi”, oficeri i policisë gjyqësore plotëson numrin e regjistrimit të procedimit penal ose numrin e procedimit penal i lidhur me vendimin gjyqësor penal të urdhëruar për ekzekutim, që oficeri ka marrë për veprim;

<sup>2</sup> Shih nenin 303 “Dokumentimi i veprimeve hetimore të policisë gjyqësore”, ku në zbatim të këtij udhëzimi përfshihen llojet e veprimeve të dokumentuara që parashikon pika 2 shkronjat “a” deri “d” të këtij nenit që kryen policia gjyqësore e seksionit në prokurori;

<sup>3</sup> Shih po aty, nenin 303 shkronja “e” për veprimet e deleguara nga prokurori, ku në zbatim të këtij udhëzimi përfshihen llojet e veprimeve të dokumentuara që parashikojnë shkronjat “a” deri “d” tek pika 2 e këtij nenit.

<sup>4</sup> Shih nenin 6 “Objekti hetimit” i ligjit 10192/2009 i ndryshuar, i cili në pikën 1 parashikon: “*1. Prokurori ndërmerr, edhe nëpërmjet policisë gjyqësore, hetimet e nevojshme ..., për mjetet financiare, pasuritë, veprimitarië ekonomike, tregtare dhe profesionale, nivelin ekonomik dhe burimet e të ardhurave të tyre, si dhe pyetjen e personave që kanë dijeni mbi faktet objekt i këtij ligji dhe kryerjen e eksperitimeve të nevojshme...*”

<sup>5</sup> Koment: Veprim për ekzekutimin e vendimeve penale është procesverbali që mban oficeri i policisë gjyqësore për ekzekutimin e vendimeve gjyqësore penale të urdhëruara nga prokurori, sipas fazave dhe niveleve të prokurorisë pranë gjykatave përkatëse me juridikcion të përgjithshëm.

<sup>6</sup> Koment: Veprimet hetimore dhe/ose të urdhëruara/deleguara nga prokurori mund të kryhen, si në fazën e hetimeve paraprake dhe në fazën e gjykimit kur janë rastet dhe mundësitet për administrimin e provave të reja, ashtu dhe veprimet për ekzekutimin e vendimeve gjyqësore të urdhëruara nga prokurori për masat e sigurimit personal dhe/ose pasuror, etj.

<sup>7</sup> Manuali “Manual përdorimi për sistemin elektronik të oficerave të policisë gjyqësore në prokurori”.

b) në rubrikën “Numër hetimi/procedimi pasuror”, oficeri i policisë gjyqësore plotëson numrin e regjistrimit të procedimit/hetimit pasuror, të marrë për veprim prej tij;

c) në rubrikën “Datë regjistrimi të procedimit”, oficeri i policisë gjyqësore plotëson datën e regjistrimit sipas rastit të procedimin penal ose procedimit/hetimit pasuror;

ç) në rubrikën “Numër veprimesh” oficeri i policisë gjyqësore plotëson me shifra numrin e veprimeve hetimore të dokumentuara që ka kryer për secilin procedim penal ose hetim pasuror apo për ekzekutimin e vendimit gjyqësor penal i urdhëruar ekzekutimi, sipas statusit, i hapur ose i mbyllur, në periudhën periodike objekt raportimi;

e) në rubrikën “statusi i hapur” përfshihen sipas rastit referimi i policisë gjyqësore, ankimi për veprat penale që ndiqen me ankimin e të dëmtuarit apo procedimi penal ose procedimi pasuror apo vendimi gjyqësor penal, që oficeri i policisë gjyqësore i seksionit ka në ndjekje apo për zbatim, ndërsa në rubrikën “statusi i mbyllur” përfshihen sipas rastit referimi/ankimi apo procedimi penal ose procedimi/hetimi pasuror apo vendimi gjyqësor penal objekt ekzekutimi, që ai ka përfunduar sipas mënyrave të përfundimit që parashikon ligji<sup>8</sup>.

4. Në sistemin elektronik SVHOPGJP oficeri i policisë gjyqësore i seksionit përditëson çdo 15 ditë të dhënat për veprimet proceduriale të kryera gjatë kësaj periudhe për secilin referim/ankim apo procedim penal ose procedim/hetim pasuror apo vendim gjyqësor penal i urdhëruar për ekzekutim, në ndjekje ose i përfunduar gjatë kësaj periudhe periodike objekt monitorimi nga drejtuesi i prokurorisë përkatëse dhe nga personi i caktuar në Sektorin e Monitorimit në Prokurorinë e Përgjithshme (SMPP), sipas parashikimeve në nenin 6 të këtij udhëzimi,

5. Në të dhënat statistikore periodike 15 ditore të sistemit elektronik SVHOPGJP kanë akses të drejtpërdrejtë për të përfituar informacion:

a) drejtuesi i prokurorisë përkatëse, i cili pasi njihet analizon dhe vlerëson të dhënat statistikore për numrin e veprimeve hetimore të kryera nga secli oficer i policisë gjyqësore dhe/ose nga gjithë oficerët e seksionit të policisë gjyqësore në prokurorinë që drejton, si dhe kur evidenton problematika dhe/ose shkelje, informon SMPP sipas parashikimit në shkronjën “ç/i” të pikës 2 të nenit 6 të këtij udhëzimi.

b) personi i caktuar në Sektorin e Monitorimit në Prokurorinë e Përgjithshme, i cili ka akses për tu njojur, analizuar dhe vlerësuar të dhënat statistitore për numrin e veprimeve proceduriale të kryera nga oficerët e policisë gjyqësore të seksioneve në gjithë prokuroritë, për të evidentuar performancën e seksioneve të policisë gjyqësore në prokurori dhe të oficerëve të policisë gjyqësore pranë tyre, si dhe llogaridhëni në ushtrimin e funksioneve të tyre, me synim rritjen e eficiencës në veprimtarinë hetimore të seksioneve në prokurori, rritjen e efektivitetit në luftën kundër kriminalitetit sipas prioriteteve dhe reduktimin e afateve të kohëzgjatjes së hetimeve paraprake. Ai përgatit informacion përbledhës periodik 3 mujor për Prokurorin e Përgjithshëm për gjetjet nga monitorimet dhe propozon zgjidhje sipas parashikimeve në pikën 3.1 të nenit 6 të këtij udhëzimi.”

Neni 4

<sup>8</sup> Shih, K.Pr.Penale nenet 290 e 291 për rastet e mosfillimit të procedimit penal lidhur me kallëzimet, referimet apo ankimet e përfunduara/mbyllura dhe nenet 326, 327 pika 6 shkronjat “a” e “b” dhe 328 për rastet dhe llojet e përfundimit/mbylljes së procedimeve penale si dhe përfundimin/mbylljen e hetimeve pasurore me konfiskim pasurie apo pushimi të hetimit pasuror sipas nenit 21 e vijues të ligjit nr.10192/20009 i ndryshuar.

Ky udhëzim i përgjithshëm hyn në fuqi menjëherë dhe publikohet në faqen e internetit të Prokurorisë së Përgjithshme.

## PROKUROR I PËRGJITHSHËM

